

nem. Secundo agitur pro defunctis. Tertio pro illius A loci congregatione. Incipit ille archiepiscopus Antiphonam : *Civitatem istam tu circumda, Domine. Et subjungit à, Fiat pax in virtute tua; et Collectam : Deus qui renuntiantibus sæculo mansionem paras in cælo, dilata hujus sanctæ congregationis temporale habitaculum cœlestibus bonis, ut fraterna teneantur compagine charitatis unanimes : continentiae præcepta custodiant sobrii : simplices et quieti gratis datam sibi gratiam fuisse agnoscant : concordet illorum vita cum nomine, professio sentiatur in opere. Per Dominum nostrum, etc.* Quibus expletis, beata illa et gloriosa processio qua venerat redire cœpit. Ille autem curiosius intuens, nonnullos quos noverat obiisse recognoscens, alloquitur illos, inquirens qui hi essent. At illi Martinum esse qui medius incedebat episcoporum, qui ut meritis ita vultus eminentia præcelerabat; Fulgentium atque Corentinum, qui ei obam-

bulabant; abbates ipsius loci, et deinde monachos, qui Martini meritis sui laboris fructibus non parum fruebantur eoque incedere eos ordine quo ad Christum migraverant. Prosternentur abbatem etiam Odonem (4), qui tunc loco præterat, eodem anno ad suam societatem accersendum denunciant. Reserbarunt etiam quod beatus Martinus cum ipsa processione cum suo illo, ut semper, frequentissimo discipulorum sanctissimoque comitatu ipsum monasterium sæpiissime frequentaret. His auditis, vir venerandus quosdam de sociis excitare festinat, Guarnerium scilicet ejusdem loci postea abbatem, et nonnullos ex aliis, qui a somno exciti et voces cantantium audierunt, et aliquos de novissimis ipsius processionis videre meruerunt. Quam beatam putamus, quamque mundam viri conscientiam, cui adhuc viventi in corpore præstitum est Martini gloriam et sanctorum cum comitantium contemplari!

(4) Guillelmo supra laudato successit ad annum 1137.

ANNO DOMINI MLXXXV.

BERNARDUS COMES BISULDUNENSIS

BERNARDI COMITIS

EPISTOLA AD BERNARDUM ABBATEM MASSILIENSEM,

Ad eliminandam ex Rivipollensi monasterio simoniam, orat ut illud per suos monachos regendum suscipiat.

(D. MARTEN. Ampl. Collect., I, 473.)

Domino B. Massiliensem venerabili abbatи omni- que sanctae congregatiō sub ejus custodia Christo militanti BERNARDUS comes Bisuldunensium fidem in Domino.... et cœlestē consequi bravium.

Quoniam quidquid a me mihiq[ue] sæcularibus vide- licet hominibus in hoc sæculo nequam digne devote agitur, spiritualium virorum precibus impetratum non ambigo. Idcirco arbitratu meo illis existimo referendum, quibus intercessoribus jure creditur adeptum, quatenus illorum gratiarum actione ac providentissima cura obtineat rectitudinis statum quod ab innieritis fuerit inchoatum. Quapropter no- verit vestra pia sollicitudo, locum Dei Genitricis Mariæ Rivipollentis (1) coenobii, qui, a tempore domni

(1) Rivipollense monasterium, Gallice *Ripouille*, insigne ordinis S. Benedicti in diœcesi Ausonensi, anno 889 a Wifrido comite Barcinonensi condi-

C Olivæ (2) pontificis a Simoniaci male posseesus, turpibus succubuerat quæstibus, ejusdem Dei Genitricis auxilio, tamque vestro quam cœterorum, ut credo, fidelium obtentu, me ab omni hæreticæ pravitatis contagio enundasse; illumque pseudoabbatem Mironem, qui post interdictum sedis apostolicæ ejusdem regimen conatus est simoniace obtinere, domni Guifredi archiepiscopi, necnon Berengarii Gerundensis episcopi, ac Guillelmi Ausonensis præsulis adjutorio, cum suis satellitibus universis a loco et regimine, sine ullo restitutionis respectu expalissee; quo depulso cum quererem qualiter vel quo ordine ab illo sancto loco omnem hæreticum ambi- tum de cœtero præcavere possem, id mihi a meis tum est.

(2) Hic Oliva sive Oliba episcopus fuit Ausonensis et abbas Rivipollensis, atque etiam Coxanensis, fra-

magnatibus, et præcipue ab hoc archidiacono suisque sodalibus suggestum est, ut vestræ dominationi vestrisque institutis illum subjicere non refugerem, si a perversis machinationibus hæreticorum deinceps haberet vellem immunem. Quod ipsum cum Dei Generis amore, tum vestri, mi domine abbas, venerandi nominis in me transfusa dignitate, nequaquam difficile visum est quin statim justo eorum consilio annuerem, eosdemque ad vos festinat mitterem, quo eisdem convocaremini nunciis, quibus ad id agendum usus sum consiliariis, et quod eorum linguis, hoc idem meis testarer litteris. Unde volo vos nosse, si id vestræ non distulerint more, me præparatum esse illud de quo agitur cœnobium vestræ subsedere ditioni, et serie scripturæ a vobis confessæ propria manu Deo sanctoque Victori firmare, ut nunquam a reliquo sit abbas nisi quem vobis, domine B., vestrisque successoribus ex consulta Massiliensis collegii regularitate eligere placuerit; hoc tantum ad præsens nobis concesso ut dominus Girbertus, cui omnia quæ juris sunt cœnobii jam dum nota sunt, curam illius vestro jussu primum gerat, ne plebs universa fiat minus religiosa quam convenient, si non licuerit illi hunc habere quem querat. Ut autem omnia quæ erga vos vestrumque locum a me agenda sunt, melius quam hic scribi possunt, velociter siant, simul cum his nunciis vos, mi domine abbas, cum nonnullis vestri conventus, non sine

A domino Girberto celeriter ad me usque.... et in omnibus quæ ad stabilitatem hujus negotii pertinere possunt requisitis et receptis. Demum hunc quem volumus.... studeat industria, sieque a vobis actum in vestros successores transeat per sæcula ventura. Ergo quia vitiorum adversatores, cultoresque virtutum fama præcurrente vos esse didicimus, ideo hoc nobile cœnobium, quod, ob reverentiam totius religionis et scientiæ, olim caput et specimen universæ esse meruit Esperiæ, Deo annuente, per vos in statum pristinum cupimus reparari; quo, dum illud vestri instantia resumpserit habitam venerationem, coronam gloriae a Filio ejusdem Virginis suscipiat auctiorem. Quod si rem tam dignam nec Dei amore dignata fueritis suspicere, necesse erit nobis alibi inquirere cum quibus et per quos acerbitas nostræ viri possimus deponere. Scitis quid velimus, orate ut possimus. Igitur totum et amplius quam quod comes Barchinonensis de cœnobio Sanctæ Mariæ (3) Crassæ vobis fecit, ego dum libertatem Massiliensem de isto properat facere, excepto quod nec gladium neque contum sinam vos illic formidare. Hæc in fine curavi addere, ut si hoc renueret accipere, quidquid Omnipotens secus quam oportuerit, ibidem agi conspexerit, illud abhinc vestræ et non meæ imputet culpæ, qui scit me hæc veraci corde proscrive. Valeat sanctitas vestra in Domino.

DIPLOMA BERNARDI COMITIS BISULDUNENSIS

Rivipullensem abbatiam monasterio Massiliensi S. Victoris subjicit.

(Apud MARTEN. ubi supra, p. 475.)

In nomine sanctæ et individuae Trinitatis. Ego Bernardus gratia Dei comes Bisuldunensis donator sum omnipotenti Deo et S. Mariæ sanctoque Victori martyri de Massilia, ac Bernardo abbatii ipsius monasterii, et omnibus successoribus ejus per hanc meæ donationis scripturam. Dono eis monasterium S. Mariæ de Rivopullo, cum omnibus rebus quæ ad se pertinent et pertinere debent, sub eo tenore ut ipse Bernardus et successores eligant semper et mittant ibi abbates qui servitium Dei in eodem monasterio faciant, et regulam S. Benedicti ibi teneant et tenere faciant, et obedientes sint semper in omnibus abbates et omnis congregatio ipsius monasterii Massiliensi abbatii præsenti et successoribus ejus, et hoc semper sit factum ad servitium Dei, et ad siellatatem de me Bernardo et successorum meorum, et ut sedes sancti Petri de Ausona et episcopi orthodoxi

ipsius loci habeant ibi quod juste habere debent. Et si, quod absit! abbas sive abbates ibi electi vel congregatio ejus regulam S. Benedicti non observaverit, et inobedientes exsterint, Massiliensis abbas ibi semper quando voluerit veniat, et eos ut corriganter admoneat, et de malo ad bonum convertat. Si autem rebelles fuerint, et admonitionibus ejus credere noluerint, Massiliensis abbas semper potestatem habeat ejiciendi malos et mittendi bonos, et pro Dei amore et charitate divina Bisuldunensis comes et Asonensis episcopus ad hoc faciendum sint illi adutores. Et hoc tandem firmiter et immobiliter maneatur, quamdiu monasterium S. Victoris regulariter steterit, et regulam S. Benedicti habitantes ibi tenuerint. Et non liceat mihi Bernardo præfato comiti, neullo successorum meorum, hanc donationem disrupere aut transmutare, vel aliquo modo minuere. Et

Nebridio abbatte, qui postea fuit archiepiscopus Narbonensis, conditum fuit, cuius fundationem ratam habuit Carolus Magnus anno regni sui undecimo, id est 778.

ter Wifredi comitis Ceritanicæ, obiit 1047.

(3) Cœnobium B. Mariæ de Crassa, olim de Orbiac a proximo fluvio et etiam de Novalis ab amena valle dictum, in diocesi Carcassonensi a